

TUSAGASSIUUTITIGUT NALUNAARUT

Aningaasaqarneq avatangiisillu ataqaatiipput

Avatangiisit illersukkit – aningaasarsiorlutillu. GrønlandsBANKENip "Nutarsaaneq" aallartippaa. Illuutillit immikkut erniaakitsinneqarlutik illutik avatangiisinut tulluussarusukkunikkit tulluussarsinnaavaat.

Avatangiisit aningaasaqarnerlu ataqaatigiilluarsinnaapput. Aamma Kalaallit Nunaanni orsussaq uulia akikikkaluartoq. Tamanna GrønlandsBANKENip taarsigassarseriaaseq nutaaq, Nutarsaaneq. atorlugu takutippaa. Aningaaseriviup 50 mio. kronit immikkoortippai illuutillit illutik avatangiisinut tulluussarusukkunikkit akikinaarlugit taarsigassarsiarinnaasaat. Tassaasinnaapput pitsaanagerusumik oqorsaanikkut, kissarsuut uuliatortoq nutaaq, matut igalaallu nutaat imaluunniit ataavartumik nukissiuutit. Pitsanngorsaanerit illuutilinnut amerlanernut ukiumut koruuninik tuusintilinnik sipaarutigisinnaasaat – nukissiornermik atuinikinnerunermut nuunnarlugu.

Nutarsaanermut erniaat allanngorartuupput, maanna 3,95 pct-iullutik. Tamanna illusinissamat taarsigassarsisitsiniartarfinnilu erniaat nalinginnaasut affaat ataallugit.

-Nutarsaaneq tassaavoq nutarsaaneq pitsanngorsaanerlu. Tamanna kaammattuutigaarput – tigussaasumik paasillugu illup pitsanngorsarneratigut, toqqaannangitsumik paasillugu isummanik allanngortitsineq, avatangiisinut akisussaanerulernissap tungaanut. Avatangiisinik iluaqusiinissamat taarsigassarsiatuinnaq isiginngilarput. Avatangiisinut akisussaanerulernissamat alloriarneruvoq siulleq annikitsoq, nunami maani tamatta – inuinnaagutta suliffeqarfiuguttaluunniit – akisussaaffigisassarput, aningaaserivimmi inuinnarnik sullissinermi pisortaq Peter Petersen oqarpoq.

Isorinnittut ilaasa uparuassavaat iliuseqartariaqanngitsugut erngup nukinganik nukissiorfimmit innaallagissamik pilersorneqaramik?

- Aap, illuutillit ilaat taamaapput, amerlasuulli taamaanngillat. Maanna inissisimaneq taamaatsillugu, erngup nukinganit immitsinnut pilersorsinnaanngilagut. Suli ukiorpaalunni uuliamik avataanit pisiamik pinngitsuuisinnaanngilagut. Taamaammat isumatusaarluinnarneruvoq atuinitta sapinngisamik annikillissarnissaa, nukissiuutit sunilluunniit aallaaveqaraluarpata, Peter Petersen nangippoq. Sisimiuni Rambøll-imi akademiingeniør Jørn Hansenip erseqqissaatigaa oqorsaanissamik pisariaqartitsineq annertooujussuvoq:

- Illut amerlasoorpassuit nutarterneqarnissaminut piukkunnaateqartorujussuupput. 1977 sioqqullugu sanaartornermi malittarisassaqqanngilaq, taamaammat illup oqorsarnissaa oqorsannginnissaaluunniit nammineq aalajangerneqapajaarsinnaavoq. Taamaammat nunami maani uulia akikikkaluaoqisoq aningaasarpasuit sipaarneqarsinnaapput. Nunami silaannaq eqqarsaatigalugu Danmarkimut naleqqiulluta marloriaammik peqqarniinnerusumi najugaqarpugut. Silaannarmulli piumasaaqatigut Danmarkimut naleqqiullugu affaannarmik sakkukinnerupput, Jørn Hansen oqarpoq.

Erseqqinnerusumik paasiniaaffissat:

GrønlandsBANKEN

Sullitanut inuinnarnut pisortaq Peter Petersen 58 61 00 imal. pp@banken.gl

Paasisutissiinnermi sulisoq Stine Dudda 34 78 77 imal. dud@banken.gl

Rambøll

Allaffimmi pisortaq aamma akademiingeniør Jørn Hansen 86 61 30 imal. joha@ramboll.gl